



deli 得力集团有限公司
基字02260122号 No.6230



161169





石涼詩鈔卷十

明安寧楊一清

致仕志感



北地李... 武功康... 編輯

迎章乞得老身回... 兒童面問客何來... 輪刃前時雙健脚... 得遊... 白首... 野性自愛... 鹿水... 相伴...



石淙詩鈔卷十

明安寧楊一清雁寧著

門人

北地李夢陽

武功康

海

編輯



致仕志感二首

連章乞得老身回
 雨櫂風帆日夜催
 父老忽驚吾早到
 兒童直問客何來
 新移菖竹和雲長
 舊種黃花帶露開
 輸却前時雙健脚
 病來無力更登臺
夢陽曰胷中
 流出語自別
 猶記垂髫薦日流
 光五十一回春黃
 扉不是養痾地
 白首慙為坐食人
 野性自安隨鹿豕
 歲寒相伴有松筠

惟餘一寸丹心在長向空山夢紫宸

夢陽日公未嘗一日忘天下所謂一

出言而不忘君者也二篇氣格俱足

歸至京口舟中感興二首

繫舟蔭高樹挂席揚天風夕照變岩姿白雲行水中塵
慮忽以忘豁然心境融緬懷十年前何事不匆匆倚杖
看斗牛銀河麗層空扶桑豈無路清淺元相通晞髮吾
所願至人苦難逢

微風動蘋花落日照野棠鄉心信歸帆溪草亦自芳江
南水竹居待我幾星霜昨歸不出戶今歸不下堂平生
性倔強與世違低昂擲揄豈足異真樂吾未央月明楊

柳疎露下芙蓉涼聞道嗟已晚眷言惜流光

除夕偶吟

笑飲屠蘇最後觴向來桑梓願初償笙歌有意迎春至
兒女無端爲節忙歸到頗嫌冬日短醉餘翻愛此宵長
因思二十年前事剛得三回在故鄉予自宏治辛亥至
今二十六年此夕
在鎮江僅三年耳將來未可
量也○夢陽日句意各稱

醉後再得一首

六十年來忽已翁兒童猶自笑山公感今憶昔三生外
送舊迎新夜中夢陽日二句當徹上下觀之不但柏
除夕以前四作後五作不能道也
葉心情宜老境梅花消息問東風亦知俄頃爲明歲燈

火笙歌興未窮

題竹屏卷

予昔曾賦此今十餘年矣閱之慨然

為君重誦竹屏詩
歷歷冰霜歲屢移
梅月松風盟未冷
楚雲湘水夢還疑
豈無俗客真能療
縱有浮塵不受緇
日日城中飽粟肉
為君重誦竹屏詩
夢陽曰二句鏡中
貶不瘦自
幸不瘦

安汝礪訪予待隱園喜而有作二首

春城細雨半泥塗
靜掩重扉不受呼
侯吏忽來傳子到
病夫強起喚兒扶
眼看世故多新態
道與心期是故吾
記取通家交誼在
重遊此會未應孤
夢陽曰只此便不
可及何必遠取

逸世才華致主身幾年平步入通津諫垣風采爭誇子

學士門牆喜得人汝礪乃斬芳草碧波憐近別杏花春

雨及芳辰莫教桑梓長留滯聖主方思獻納臣夢陽日二篇情

真景真句
逸調逸

席上用韻贈何生

老去忘機不羨魚病來尋藥未容徐三千里外初停棹

四十年前此卜居掬水有源真活活野情隨地自與與

何郎亦是清狂客座詩成解起予夢陽日詩何嘗無
理此篇飛躍卓如

而不涉頭巾者
化於理者也

仲與立憲長致政家居自寶應訪予鎮江宿丁卯

橋莊舍感今憶昔口占近體三首

病裏幽懷久未開，忽傳好語隔江來。
故人相見翻疑夢，往事無端底用猜。
老愛閑居多水竹，笑看春色在江梅。
亦知此會真難得，莫使深情伴淺杯。

夢陽日忽與景會故妙

海內交游幾是真，曾將肝膽向斯人。
兩三世裏通家誼，四十年來異姓親。
積毀不須驚衆口，素心端可質明神。
如聞秦汴觀風地，道上羣豪尙避塵。

把酒論心慰寂寥，情多不待尺書招。
別君尙記庚午歲，予正德庚午與仲君別于潼關。
念我遠過丁卯橋，浩浩江湖飛綵鷁。
冥冥風雨入花朝，祇愁會合無多日。
離恨撩人未易消。

提學林君廷元訪予丁卯橋莊話舊限韻三首

爲吏爲儒道本符亦知風紀稱師模誰譽誰毀君何有
公是公非世豈無北馬南船隨浪跡雨花風絮漫長途
向來寵辱休重問不遣初心愧故吾

衝風衝雨渡江來病裏逢君眼爲開政比陽城甘下考
教如胡瑗故多才太行山外雲千里揚子江心水一杯
多少蒼生思召父甘棠新頌有人栽

南去官程暫過閩白頭聊慰倚門親平生許國元無負
舉世憂民幾是真面帶秋霜消瘴暑心將化雨散陽春
猶懷被髮纓冠義吏爲鄉人喜氣新

次韻蒼林廷元

先生消息遠能聞老病年來不出村

夢陽曰老健

欲往高軒

過竹徑便呼童子掃蓬門一天花雨春方麗滿地棠陰

愛正存祗恐眼前同調少錦囊韜後莫輕論

夢陽曰不

此事事當如此

廷元出見素雲山詩畫次韻

百年憂樂正相關君道閒時我亦閒雲白山青君不見

石淙回首幾雲山

賞牡丹限韻

草亭西畔石欄邊夢裏春光近十年麗色正當新雨後

濃香時送晚風前
牆頭過酒真多事
是日隣人坐上分
題漫有緣不羨春園宴
桃李豪吟空對豔陽天
夢陽曰此篇俊

禮而

初食鱠魚柬白石先生

酌酒看花興總宜
多情還爲薦江鱠
正當穀雨開晴後
却憶冰鮮拜賜時
丙穴謾勞工部賞
東江猶動季鷹思
個中風味誰相偶
賴有春園玉版師
夢陽曰鱠非筍誠莫匹者由是觀之
我公非但能用
天下之才矣

席上倒用前韻柬白石是日爲題鴻鶴山房併此

道謝

君才端稱古儒師遺愛長留去後思入座春風今幾日
隨車甘雨故多時山亭勞記雲間鶴賓饌能供海上鯨
畱取平生經濟念一官何地不相宜

陪白石飲余鴻鶴山莊

萬竹叢中一徑開雨餘花圃半莓苔水環襟帶淙淙出
山送青蒼面面來柳外鶯聲時婉轉風前花絮故遲徊
亦知刺史淹畱地曾為行春數往回

夢陽曰淡淡有味
行春字束任上面

無限
風景

鴻鶴山莊再柬白石

芳草青青花未闌鳥鳴高樹聲關關君行載擁繡豸服

我病聊憩鴻鶴山黃塵隔市心與寂白日遊絲春自閒
詩成草草不入調酒興爭似詩才慳

用韻題壽母卷

弓裘餘舊業菽水有羸資春色芳菲後高堂燕喜時
仙桃還子實慈竹見孫枝却望西崑路丹霞散玉池

錢宗玉先隴宗會堂次白石韻

丹符頒往代華表揭穹林堂構諸孫在書香一脈深
象賢還令譽錫類是仁心祀罷存餘敬長如祖考臨

陸參戎分守肇慶有芝瑞次陳敦賢韻

山川呈瑞協靈芝佳氣長浮上將旗開罷九英旋復有

古來三秀未云奇

邊燧無烟海不波將軍開府屬時和亦知瑞應圖中意
不是商山隱士歌

閱胡孝思近作喜而賦此

李杜文章是正宗眼看末學陋雕蟲龍門探後心逾壯
劍閣行來氣轉雄力謝陳言追古作更將時事采民風
詞場老覺鋒鋌盡已媿歐陽避長公

王主事諤思養堂

堂北年來只樹護天涯遊子意漫漫亦知風木無時靜
欲荅春暉轉更難鼎食翻增賢者恨綵衣頻動白頭歡

移忠錫類吾人事捧檄非關愛好官

聞胡孝思獨遊焦山

聞君獨往探名勝直上諸天最上梯
老病無緣陪盛賞山靈應喜得新題
磯頭石刻苔全沒洞口桃花路已迷
落日長江望歸鷁潮聲猶在海門西

夢陽曰中唐之調

再柬胡孝思

兩山遊遍兩踪時蹤跡看來頗近奇
獨往不緣同調少幽情只許自家知
鳶飛魚躍忘言地流水行雲漫興詩
了却公家聊爾爾不因風景滯還期

仲與立再訪予山莊會卽辭去畱之不得至江頭

爲風所阻兩日不得渡相知者邀請爲甘露之遊
人生行止信有數不可強也口占一詩寄之

盤桓聊得慰佳期咫尺長江渡轉遲可是山靈畱客賞
更疑風伯索君詩杜陵傍險衝泥日王子尋幽踏雪時
我病無緣陪勝會祇憑書劄寄深思

南園小酌次韻

南園集賓友此興近無多舊管題蒼竹新筍試碧荷驚
餌魚深逝知時鳥解歌相思須徑造俗客謾相過

雲卿賦碧筍飲次韻

坐對方池小宴開荷香故故襲人來金波暗入靈犀管

翠蓋高擎碧玉杯奇事相傳非魏俗
新詩迭唱總仙才
病餘體力應全減莫怪臨風醉欲頹

閱汪廷器關中遊舊卷偶題

江漢風流已盡吞西遊直欲到崑崙
華山立馬看仙掌
底柱鳴橈遡禹門甫里生涯終筆硯
子長足跡半乾坤
猶懷二十年前事長史文章卷尙存

見素得乃子達進士報有詩九首示達予爲次韻
寄之

帖報泥金轉更驚家書字字戒持盈
小坡心事吾曾識
直與而翁一樣清

素翁學術希文上家教從知有義方若向幽微論心曲
荆舒有子故宜雱

誰言造物向公偏我亦年來得避賢除却塵心無一物
濯纓何必定清泉

極知爲學是爲山九仞工夫莫放閒俯仰乾坤如許大
只畱些子在中間

行藏兩字愛公真老去文章更有神却媿病夫歸較晚
十年虛負水雲身

青山自比世情真翠竹黃花歲歲新莫問雲莊深幾許
太平非是避秦人

老覺閒中歲月遲春花秋月總相且一元氣數今何世
欲起羲皇一問之

思君無計往從之歷歷星霜歲屢移一見君詩便心賞

此音先許二泉知二泉先有和章

書來勸我辭賓客復道雲莊客亦頻野菽村醪總風致

先生元自不憂貧見素書謂予宜謝過客且言雲莊貴客相款不過四腥三果酒三五行○

夢陽曰素翁心事非我公誰其知者然愚每恐讀斯篇者但以詩觀之也

見素臨滄亭次韻十首

幾載馳驅蜀道長聖恩今許老耕桑人來物色知何處
不在山鄉卽水鄉

坐倚青崖縱日長
蜃樓高處是扶桑
水光山色相忘地
不是無何別有鄉

清時才望讓公長
曾共南山詠有桑
衰老無能負天地
夢魂空繚五雲鄉

寵利成功慮正長
極知深戒是苞桑
名韁利網日馳逐
末路何歸桑梓鄉

寸尺何須較短長
朝辭圭組暮田桑
君看白首風波裏
比岸還應是故鄉

早卷當年計亦長
隴頭禾黍屋頭桑
無端又逐天風去
萬里烟雲各異鄉

高臥雲莊春晝長
雨餘扶杖看栽桑
里人薰德知無數
却被人呼君子鄉

白日清尊引興長
蕭然風致古柴桑
孤雲野鶴亦有意
伴我頽然入醉鄉

廊廟諸公各擅長
迂疎只合課農桑
水雲深處濯雙耳
縱有招呼不出鄉

生計歸來頗頗長
男勤耕穫女蠶桑
但教俯仰都無累
便是神仙不老鄉

夢陽曰斯十章亦伯平之絃也

焦山倡和詩有引

予自正德庚午起廢西征旋被召命竊祿于朝

七閱寒暑矣全焦北回之勝寤寐不能忘頻年
引退不得遂丙子秋八月始奉允命休致九月
抵家則爲病所纏杜門謝客日就藥餌詩酒遊
觀之樂心雖懸懸而力有所不能也越一年丁
丑秋重九後二日天日晴霽予體力稍康清興
浩發不自制乃攜三五童子坐肩輿扶掖登焦
山趙憲副叔鳴唐客叩雲卿陪行已而睦育庵
拱貞朱友古德彰張叻田宗義劉鷗汀希載河
東沙汝南聞而往從之上吸江亭予偶發感舊
之嘆不覺成句雲卿詩續成詩望金山再得一

詩衆次第屬和抵暮小酌江賓月明如晝聯句
得二首衆復和之予亦不能以默夜憩水晶庵
餘興相與句續衆亦有和者次日興復不淺而
予病又作匆匆而歸越二日汝南收原稿彙錄
之凡若干篇閱吾詩恍如醉夢中語而諸君吟
諷翫賞各極其趣雖體裁音節言人人殊要之
暢摠性情模寫風物不作雕鏤叱咤語均爲治
世之音也希載請曰先生失之數年而得之一
旦庸可棄乎予曰諾乃屬希載錄爲一卷而識
其端

八年不到焦山寺今日重來一老翁
新渚忽生沙島外舊題多在薜蘿中
閑雲野鶴心與寂流水桃花事或同
記取吸江亭上飲嘯歌休放酒杯空
夢陽曰老氣
當年元氣闢鴻濛幻出金焦巨浸中
天帝爲舒雙翼鳳仙人空駕五綵虹
鼉撐鼉負宜爾壯浪打雲霾翻益雄
尋幽訪隱渾閒事須錄狂瀾砥柱功

次月夜聯句韻

皓彩盈盈蘸碧波停杯誰續舊時歌
風生素宇來仙吹影落青天入絳河
鯨飲不辭吞海盡桃投翻愧報瓊多
偷閒我已非年少老納從今莫厭過

十年塵跡浪波波空谷初聞伐木歌
泛渚恐經銀漢曲采芝誰臥碧山阿
文章道德心終負廊廟江湖念總多
怪底欲眠眠不得最難驅遣是情魔

秋雨限韻

築場時節望開晴厭聽蕭蕭徹夜聲
百草不須愁爛死三農真恐失聊生
菊因避暖花遲放詩爲悲秋句早成
誰向後時能獨立祇應物態是人情

張四老迪庵誕日題五老圖爲壽

高門昨日懸桑弧何人爲寫長生圖
長生一星號南極化爲五老舉手相揖來
蓬壺月維九秋日念五古稱此

節爲天符仙凡路隔萬餘里帝遣金風導擁紅雲扶方
瞳炯炯燄流紫白髮垂垂顏不枯饑餐玉霞渴沆瀣笑
指塵世皆泥塗迪庵壯年美且都老覺骨相非凡夫曾
向長生授真訣年年此日光彩騰南弧次公龜鶴不足
羨魯頌岡陵祝豈誣五星作贊稱老蘇而我效顰辭則
蕪祝翁之壽不可以數計要見茫茫海水盡化爲衢途
邊汝成自巡撫寧夏擢南京刑部侍郎將赴任便
道謁余鎮江話舊之餘口占二詩爲贈因憶己未
之冬汝成宿余丁卯橋莊話別詩甚多抱病以來
聰明不逮欲如前日之興已不得俯仰今昔爲之

慨然白巖司馬汝成同志友閱之必有以教我也

病裏詩成手自書重逢又是十年餘已看精力消將盡

何止聰明較不如西去幾回勞遠夢南來聊得慰閒居

故人不道吾衰甚猶有微言爲起予

夢陽曰真之又真公見人便傾倒肺

腑斯所以收一世之雄也

錯節盤根試屢新路頭夷險認方真嚼餘冰蘖渾忘味

夢陽曰何其苦

歷盡風波有此身

夢陽曰何其幸

南國山川根本地西

曹才望老成人白巖會合多高興寄我篇章莫厭頻

汝成將別予邀飲逸老園再賦一首

乍逢仍別意躊躇暫憩南園水竹居菊露帶香秋澹澹

柳風入面晚徐徐
祗緣抱病常辭酒
縱使臨淵不羨魚
莫笑衰翁渾潦倒
也能揩眼為君書

夢陽曰此篇純類唐者也它篇多唐

宋

口占荅邊汝成

抱病久忘言
因君一開口
逢時且為樂
此興不在酒
蕭條水中荷
零落風前柳
多情惟此言
長伴三南叟

冬至有述二首

忽忽流光逢至日
不禁衰鬢轉多絲
柳舒梅放春前信
陽長陰消夜半時
老怯增年真大錯

陸放翁詩身老怯增年

愁隨

添線已成癡
絕勝作客天涯道
空對寒雲動遠思

夢陽曰雅

調結意
悠揚

一氣浮葭管春光忽又臨履長懷聖澤來復見天心近
臘寒猶薄連朝雨正深病餘仍強飲飲罷一微吟

復周方伯公儀柬并詩

承寄示高作疾讀一過但見其妙徐徐咀嚼其
得意處畧已窺見一二謬以鄙見僭加評點至
於繁枝寸朽可指摘者亦復不敢相隱請自裁
擇不須過信吾言冬寒日短兼目病齒病欲再
加細玩以罄其愚而來使畱已十餘日不能復
待殊負雅懷因嘆仕優而學此風不數數見閣

石澗詩錄 卷一

下遊南北艱關險患之餘而詩思溢發浩不可
羈非所養所負有大過人者能之乎持是以往
將來造詣殆未可量老夫少而學焉顛毛種種
終無所成就幸門牆之有人賦得五言一章用
識吾喜非敢爲佞也

道德心無負文章仕益優江山隨地賞花鳥入春愁節
與冰霜誓功於筆硯收修江三尺在遲子繼前修

王堯卿自終南謁余鎮江話舊有述四首

終南鬱峩我渭水清且駛美人結廬舍乃在烟霞裏乘
風或振衣枕石還洗耳一出非所安早卷聊自喜宣尼

有家法可仕仍可止閒居不無事默坐惟省已太上貴
立德文藝斯末矣吾身備萬物一一窮至理不畏蹤跡
深翻愁名譽起保終慎于始垂休百千祀

昔在京華日勸我宜早休翩然辭我歸許放山陰舟我
志苦不遂忽忽經五秋去年始得謝養病臥林邱夙約
耿未忘不恤道阻修相見疑夢寐披襟話綢繆烟橫芳
草渡雨暗滄江樓看君尙黑髮朝簪早已投平生邃易
學消息探其幽我老百無庸亦欲知悔羞洗心聽君講
庶以寡愆尤

美人江南遊及此春意回好鳥弄新聲和風自東來萬

物適所性觸目皆暢懷而況金與焦北固同崔嵬盪芻
入層雲把筆摩蒼崖君勿吹洞簫潭底魚龍猜君勿放
長歌激烈山鬼哀花柳滿前川此興良悠哉歸尋明道
跡葆光終南隈

師道久絕響古風日沈淪彎弓信有之何止越與秦昌
黎憂籍湜餘子安足論況我素虛薄業荒道無聞門牆
亦多士子尤信且親時時效忠告不避流俗嗔羣囂未
底定亦復解吾紛節應利金石心可質鬼神迂戇豈足
師古道君所敦此意兩自會難語行路人

到然宋
格也

夢陽曰情到
理到景到筆

林主事達謁予話舊二首兼奉柬乃翁見素先生
一別而翁十六春小坡相見自相親平生肝膽真堪託
四海交遊幾是真我病未忘憂國念翁才元是濟川人
行藏兩字憑誰問心事惟應質鬼神

猶懷二十年前事長挹光庭座上春管仲豈能忘鮑叔
希文今喜得純仁向來風雪驚心久此去鶯花觸目新
丁卯雲莊俱勝概獨慙衰朽負芳辰

寄壽見素先生

冰霜歷盡見芳春聞道弧筵正及辰人以安危占出處
天將疆健報清貧文章老去終名世仕止平生總任真

石法言金一

欲擬南飛歌未闕直從海鶴羨風神

夢陽曰四句殆素翁傳神筆也

閱王堯卿詩文志感

六經文字日中天前輩儀型已邈然
老去初心嗟我負古來遺緒待人傳
剛風早奮驅頽俗奇氣全收入大篇
畱取舊時衣鉢在向人那肯作春妍

夢陽曰斯篇氣勝于理

送王堯卿還終南三首

高臥經年不出郊忽聞佳客過衡茅
君才早向青山隱我病初還白鳥交
身逐野雲歸舊隴眼看江柳更新梢
盈虛消息先天數有意相畱問易爻

夢陽曰二句天機自然眼中變態萬

端

別君容易會君難不覺流光隔歲看
渭北秋風鵬翮遠
江南春雨杏花寒
貧如原憲非關病跡比陶潛
早棄官
珍重錦囊瑤瑟在不逢知已莫輕彈

門臨清渭面南山花柳春來信步看
逝者真源猶活活
自家生意這般般
舊傳利器藏須密
新註遺書補欲完
不學商人高索價
知君未改寸心丹

夢陽曰詩貴瘦此句之瘦者也

關王堯卿所著天地正氣編有作

下履坤輿上戴天君臣大義日星懸
要將赤手扶人極
請看山人正氣編

正氣生來本浩然
養成金石故能穿
不然萬折狂瀾裏

一柱安能挽逝川

把筆慚爲諧世文直從魯史究皇墳不收功業收忠義

扶植綱常意獨勤

夢陽曰三篇非本色語然此等論說不可無也

用徐子容唐雲卿韻贈別王堯卿

住近南山麓來從渭水濱舉觴邀海月決背入江雲蹤

跡休嫌僻風情自不羣遙知爲別後亭館尚畱芬

白髮驚春老青山引興多鶯花隨客去風雨柰愁何日

暮一尊酒江頭三疊歌不知從此別相隔幾關河

青年謝簪組愛子亦全真學道還希聖迹名豈避秦對

花傷遠別把酒惜餘春莫謂朱絃絕通家更有人

朱大參升之見過有詩次韻答之

一笑逢君是夢間
相畱聊得伴吾閒
百年心事甘清苦
萬里風烟獨往還
身未老時先許國
路當行處肯辭艱
文章簿領皆常事
要使勲名重雪山

再疊韻答升之大參病眼管騰捉筆不能成字亦
各言其志也知此興尚未已當爲吮豪濃墨以俟

呵呵

吾衰合臥水雲間
莫漫高吟羨我閒
詩比行雲聊自適
身如倦鳥久知還
鶯花未放春光老
風雨翻愁歲事艱
暫得畱歡須盡興
他時回首萬重山

三疊韻

園林深處隔人間
花落花開意自閒
老去方驚塵夢覺
年來長乞此身還
拙同陶令惟甘隱
忠似王尊豈避艱
畱取太平勲業在
後人指點說高山

四疊韻

仕隱真同夢覺間
浮生何用較忙閒
遙將帝闕嵩呼祝
兼慰親庭畫錦還
職在旬宣寧自逸
心於稼穡早知艱
送君忽漫懷吾土
天盡還應是故山

送朱升之大參還任滇南二首

相見無多日
相違更惘然
夢醒江閣雨
日極楚雲天
白

雪傳新調緇衣記昔年遙知他夜月西望幾虧圓

夢陽曰唐

調
南都稱國士西省重師樞口語非吾惜心盟與歲俱官
曹憐苦節世路涉艱虞天定人須勝前賢論豈迂

送黎繡衣四川巡按二首

纔領徵書入內台卽看驄馬渡江來四郊棠樹陰猶滿
夾道壺漿擁未開獻納總關憂國念艱虞須仗濟時才
治民欲贈無他物惟有中泠水一杯

夢陽曰鄉物入詩切而有味

利器曾從錯節看似聞風采動長安埋輪未許豺狼在
叱馭寧辭蜀道難直遣陽春回物色謾勞擊搏羨台官

石澗詩金卷十一

病餘一老蕭然坐不遇相知不共歡

寄林有年御史謫武義丞

辛苦平生志未償直排閭闔叫穹蒼一官重試牛刀手
四海爭傳佛骨章愁極不禁兼抱病恩深猶喜未投荒
君家素老儀刑在汗簡同留百世芳

憂國憂民念總勞更於文字識賢豪江湖遠道閒舟楫
霄漢低飛惜羽毛捧日有心還入夢哦松無事且揮毫
亦知出處關名教莫漫臨風讀楚騷

夢陽曰四句工甚

和孫思和西莊聯句

白雲封石壁修竹護村莊烟火長林外笙歌古道旁漫

論傾肺腑兼得話農桑想像三時雨依稀百合香人應
誇二美吾亦詫微長幾日交歡地真教爾汝忘夢陽曰
四句肺
腑語真村庄詩也吾亦
詫微長有吞萬象之氣

石壁詩

孫山之北有石壁焉高十餘丈長可五十丈巉
巖奇古孫思和請余觀之爲賦一章屬善工鐫
之壁間未必不爲將來故事也正德戊寅四月
二十七日

壁立自何年丹崖有路緣雲開繡幕裏春溢綵屏前不
陟龍門險還同鐵柱堅山光相映帶草色任盤旋禮納

南宮拜詩煩太史鑿地靈宜有此天作豈徒然坐語三生外
幽尋兩屐邊向來揮翰手空賦假山篇

石壁再賦一絕

蒼厓百丈自天成下有幽人此避名怪得攀緣今有路
向來吾已謝塵纓

聞馬次甫孫思和鄭中伯遊金山寄柬一首

一別茲山今十載幽期空向夢中論孤根只許江龍識
絕頂真疑海月吞解道水雲還有馬再題濤櫓豈無孫
鄭虔相伴成三絕畱取風情石上存

夢陽曰馬鄭孫時人入詩子美能之

再疊韻

獨立中流瞰海門向來高興共誰論烟霞老去真堪隱

江漢西來俯可吞恨不名家逢李杜

金山恨無李杜大家詩

若爲

佳句壓張孫不知翠壁蒼厓裏幾處紗籠幾字存

夢陽曰此

篇真黃絹也

南濠吟爲都元敬少卿作

環蘇皆濠南濠獨佳室廬櫛比舸艦雲來遠睇青蒼近
濯沅洄君子觀止僉曰雄哉有媿人居於濠之涯地喧
心寂匪俗則諧移家伊何郡城之隈濠是遠而以莫不
懷堂構則嘉煩囂我侵羨彼光福我幽我尋山亦豈不
邃水亦豈不深南濠之思難爲平鼓峯岌兮觴清冷濠

不在眼常在心水有源木有本我因君發深省滇南京
口遙相望兩地風情同石淙君不見濂溪之濂廬山麓
古亦有然非我獨

薜荔園十三詠爲徐侍讀子容作

翰林侍讀徐子容先生以所居薜荔園之十三
詠屬予有言且曰某之修葺此也非敢以爲樂
也承先太史府君之遺意也予嘗見世之分題
詠風物者往往牽綴排比以爲美談而非其實
侍讀君所取據事直書不拘排偶閱之山川風
物宛在目前予恨不得一造其地興不自制各

有短述意到落筆亦不拘體裁風晨月夕君試

令童子歌之不知能少中音節否

思樂堂

先太史處軒府君性至孝嘗構湖中奇石
欲為山于園以娛先祖靜庵公經營未就
先祖遂厭世事乃寢繙家食時追念先志勉強
成之中為堂三楹臨池面山奉先祖暨先考小
像于中亡友徐昌穀題曰思
樂取禮記思其所樂之意耳

太史娛親意兒賢願始償九原不可作一念豈能忘笑

語渾疑夢儀容儼在堂溪山與樹石物物繫肝腸

石假山

石產湖中頗奇巧
山足半浸池水

石山假奇峰峭壁胡為者石山真咫尺不解藏烟雲洞
庭之陰太湖淚乾坤為作真山水石假山聊爾爾天下

不... 卷十

事多類此任吾真斯已矣

水鑑樓

樓瞰池水倒影可鑑毛髮

山樓瞰池水倒影浸秋月直須洞心曾何止鑑毛髮乘

閒一登眺灑然清興發

風竹軒

軒外有修竹千竿每風入竹其韻輒蕭灑令人爽然

有傑構兮層軒掃隙地兮斲淇園鬱亭亭兮千百斯竿

猗軒之人兮洵美且賢俗客兮息交此君兮相對閑涼

飈兮徐來爽毛骨兮怡顏激金奏兮聞玉協律鳳兮鳴

笙鸞鏗廟瑟兮搏拊恍神女兮珮環謝塵耳兮箏笛飽

清聽兮風泉如濯滄浪兮滌我煩抱膝兮坐嘯援筆欲

五

賦兮忘言嗟軒之樂兮不可諉望三吳兮一水安得與
子兮相周旋

蕉石亭

亭畔有峰形如筆
格植芭蕉覆之

巨筆如峰天削成偏題蕉葉寫風情主人非是繫瓢者
不厭蕭蕭夜雨聲

觀耕臺

臺在山頂山之外有田
一區耕者歷歷可指

高台俯平田耕夫下可指力盡面無色膚傷血流趾嗟
嗟終歲勞博此盤中餐注目豈徒然要知稼穡艱

薔薇洞

洞口遍栽薔薇結爲屏障每
春時紅葩滿林綠葉如織

山人多事斷雲根細剪紅綃護洞門莫遣落英隨水去

怕人疑是武陵源

荷池

池種荷花開時紅白間錯若錦雲然

減字木蘭花

春光歸去滿目繁華無覓處池上芙蓉濯濯紅香秋雨
餘爛然雲錦如此天機誰管領把筆微吟吾識花中君
子心

柏屏

結柏為屏冬月獨蒼翠可觀

新枝蟠交虬老幹迴屈鐵一從翠屏開便與紅塵絕所
以異凡木歲寒不摧折却笑金谷園錦帳徒為設

雷月峰

此中峰也長丈餘奇而偉峰腰有竇如月

嫦娥亦好奇下憩雲間石劃然穿石去長留半規跡

通冷橋

山下有斷岸以獨石為橋每過雨山泉下瀉汨汨循涯鳴

岸忽忽其中斷水潺潺而匯流匪獨石以為梁望烟蘿其難求

花源

池畔有源通湖中活水往往浮花而入

源頭瀉從活水波面浮來落花不用魚郎物色仙翁此地成家

釣磯

山脚有石如磯俯臨池水可以坐而釣

悠然坐磯石塵慮忽以祛垂綸不設餌淵鱗方躍于亦知君子心在適不在魚君不見沙邊鷗鳥解忘機物類浮沈宜不殊

閱涯翁為方石東山所作詩三公皆予同志友也

文章節概高步一世今安得復見若人者哉此卷

崔世興尚寶以贈毛給事用成予悵然感之有作

指點交游感歎頻年來多事益傷神乾坤落落幾大老

歲月悠悠三古人敢謂仕途全節少亦知公論蓋棺真

黃門解頌同聲意不是崔卿不自珍夢陽曰此篇讀之令人墮淚不但今

無斯人今何時矣

毛給事用成守制歸雲南過鎮江話舊得二首兼

以送別

舊遊自覺眼中稀老去真看萬事非二十年餘纔一敘

八千里外又言歸心同返哺慈烏恨身逐隨陽旅鴈飛
畱取向來經國念此身忠孝莫相違

一從釋褐侍天廷給舍才名滿士林曾有昌言扶正氣
肯將直道負初心芳秋對月人重別遠樹停雲思轉深
莫笑老夫詩力退病來短髮不勝簪

碧雞山下彈棋日鐵甕城邊載酒時黑髮相逢吾已老
清才如此世方推風塵滾滾多新態水木悠悠繫遠思
便欲從君還未得倦揩雙眼一題詩夢陽曰三篇皆真
到之語無一字湊
肩又曰公提絜時事入詩如烏獲
舉鼎渾不費力然七言律爲優

古者白王宮國都以至閭巷莫不有學今庠序偏

天下而鄉學之制多忽而不講蒙養弗端有以也
才不古若實基於此吾滇南毛給事用成家居時
慨然有志風化嘗市城中地建書院延請明師以
教鄉人子弟而躬督勸之甚盛舉也過鎮江以質
于予予謂書院古有之而今不數數見用成之意
蓋欲端本澄源以爲成德達材之地此可與知者
道耳爲名之曰養正且賦四絕句以遺鄉之人俾
知所趨向云

王化千年跡已微後來蒙養教全非知君有意敦風教
末學從今得指歸

聖朝庠校徧寰中鄉社猶資養正功
讀罷詩書還習禮此心何止發童蒙

一簣元來九仞基升高行遠在人爲
吾鄉無限民間秀不用擔簦自得師

上達工夫子細探莫將實理付空談
要知作聖希賢意

小學分明是指南

夢陽曰四篇可與白鹿學規參看有韻之經也

中秋日與諸鄉舊由金山乘月放舟而下酌酒高

歌情性甚濃抵焦山漏下三鼓矣諸客皆有詩予

亦賦得一首

畫船簫鼓坐推篷正及秋光九十中
玉宇澄澄涼露下

滄波渺渺絳河空銀蟾夜泛金杯影桂楫寒生鐵笛風

怪底塵心消欲盡分明身在水晶宮

夢陽曰此篇意淺詞麗

長安周君少安以進士節推吾鎮江三年矣才操

兼美凡所讞獄多得其情人甚稱之茲考績北上

被畱被徵皆所必有恐不能為一郡淹矣其父御

史君應文予提學時見其文藝器識在諸生中出

色既登仕籍聲名日起衆期其遠到而不壽以歿

士論惜之予衰病久謝筆硯願通家君父子間於

其行情不能已為賦二詩贈之兼以道舊故寓期

待云

手持三尺佐分符一郡寃民自此無始信經生能治獄
須知良吏是通儒虞廷佇看朝陽鳳渥水曾誇汗血駒
此去定應書上考向來清譽滿皇都

當年相馬識而翁駿骨今看子正同才不大施摧折早
仁能有後報施公風神絕足飛黃外心事清水苦蘗中
見說邦人攀戀甚望騎驄馬過江東

注

夢陽曰二詩譬言之
岷江初導洶湧東

七峰贊 有引

山有峰舊矣近孫思和氏始標七峰之名因以
自號予述而爲之贊贊曰

粵有大極乃開鴻濛兩儀孕和鍾爲七峰排空並峙拔地成列疑然端居不聲以色法天之政象陽之奇楚澤下瞰斗星低垂古有七人爲民作則亦有七賢以隱自逸地因人勝人以地靈物物有極隨地賦形樂山仁者與物爲體倚山之人惟日仰止

戲作絕句書於息賓軒

坤輿靈秀此山鍾誰錫佳名作七峰天亦好奇成勝賞雲端幻出幾芙蓉

孫思和新建堂室予老不得與賀賓之列賦詩寄之

誰門喬木鬱蒼蒼
蘭桂堦前次第芳
乃父遺安還舊業
佳兒宵構有新堂
牙軸剝堪容鄴架
綵衣長此薦萊觴
賓筵底事多和氣
十月風光正小陽

孫思和新建惠吉堂寄賀一首

椿庭三世蔭仁風
蚤向南山識隱翁
種玉已看成白璧
爲箕何止羨良弓
光騰大厦歡生燕
歌協斯干夢入熊
漫道肯堂還錫類
祇應餘慶是陰功

遊茅山雜詩

丹梯百丈許攀緣
萬古名山此洞天
雲水望深行不極
烟崖勢險去無前
十年舊夢心初慰
兩腋清風興已仙

不獨山人能愛客野花啼鳥亦欣然夢陽曰萬物一體

月滿空階露氣涼曉來餘潤濕衣裳山林入望驚秋老

臺觀重來比舊荒謾向金陵稱地肺翻疑白石是神羊

身閒只合尋真隱莫更桃源問渺茫夢陽曰自得如此豈須更問仙

上宮一首

上頭萬瓦碧參差側徑迴廊勢半欹鳥怯高寒棲不定

雲歸杳靄出還遲人間福地應輸此物外真游更屬誰

歌罷輾然成一笑下山休問路多歧夢陽曰山間樓閣每恨寫之不似側

徑迴廊勢半欹便如挂出上宮圖矣鳥怯二句狀山之深妙之又妙

和張世安韻

山光下接洞中洞雲氣遠浮峰外峰出谷幽泉深送響
入林秋葉半翻紅看來世故祇如此可信名山不易逢
却羨留侯有孫子一編未肯博三公

和喬希大韻

落日丹楓照暮秋乾坤勝概此山收峰環台象分仍近
泉出雲根滙却流風雨不來心自喜刀圭可借疾應瘳
紅塵市上飛難入複徑回岡護已周

茅山和唐雲卿詩韻

世爭趨福地吾亦禮茅君鳥影向空盡簫聲歸洞聞遠
峰低列宿萬樹閣秋雲明發下山去仙凡從此分

夢陽曰起

石湖言金卷十一
得抗慨結之脫
落大手筆也

聽愛山劉生琴次白巖喬司馬韻二首

平生我亦愛邱山若道知音有厚顏
但覺灑然毛骨爽水雲深處放歌還

坐聞高調入塗山古意悠然破俗顏
彷彿天王巡狩日衣冠遙扈屬車還

何君子元以太僕卿擢都察院右副都御史巡撫
雲南將赴任道鎮江夜過予丁卯橋莊話舊未幾
卽別去予與子元大父提學公父郎中稱爲鄉曲
通還往子元又出予友西涯先生門下斯文道義

之好雅矣雲南予桑梓地巡撫得名儒惠澤所被
可量乎賦詩三章追送之公暇相憶其爲和之

一日新恩位望崇讀書讀律兩收功百年文教要荒外
萬里江山節制中兵甲未須論遠畧瘡痍應合念人窮
祇緣休戚關吾土被髮纓冠此意同

楚江西望路悠哉持節眞從天上來聖主尙勤柔遠慮
名卿方試濟時才半窗風雪孤燈在萬里寒暄一鴈回
公暇不妨登眺樂儘多佳句入新裁

少小多才老更成辦香涯老誓平生亦知夜雨燈前話
猶是春風坐裏情章疏兩朝經濟畧衣冠三世甲科名

臨歧為解雙龍劍物望於君故未輕

東卿杭憲副八月間過予丁卯小莊以北行期迫
不及款留擬歸日相敘盼望久之比歸連雨泥淖
不蒙再過而病夫適在山莊又不及知聞之惘然
追無及矣良會之難如此哉鄙詩二章少代晤語
兼柬令兄世卿先生當必有以教我也

北上匆匆約會遲歸來猶擬話襟期如何載酒尋詩興
恰是題門返棹時山雨蕭蕭寒漏盡江天漠漠凍雲垂
梅花已露春消息好折新枝寄遠思

清尊空對燭花紅山館蒼茫細雨中開徑尚懷三益至

論文那復二難同英才盡入蘇湖教絃誦不殊鄒魯風
極目天南萬餘里倦遊無計逐雲鴻

閱鄒敏行殷文濟弈碁次文濟韻

十日過從興未窮不堪風雪惱衰翁亦知郢調稀人和
何止棋家羨長雄

棋場三昧入機元老我猶能讓子先餘興未忘畱不住
清魔亂慮攪春眠

棋局風情見二君尋常諧諛自超羣一籌一算休重論
世上雌雄恐太分

閒來適性藉枰棋蜩化無端浪苦思信手贏輸皆足喜

我心先得子瞻知鄒棋過於思故云

文濟與洪貞弈饒三子而勝戲次其韻

兩局能擿一襲衣知君高興欲熊飛自從剡曲乘舟後

詩社棋壇倍有輝

睦生棋力本肩隨忽漫饒三事亦奇莫便逢人誇國手

南都恐被白巖知夢陽曰白巖弈冠一時乃於睦殷發之斯太史公筆法也

再和濱竹詩韻

流光漸漸入新年之子翻迴雪夜船碧水丹山如送客

清風明月底須錢歸來已脫浮名累老去難禁別思牽

夢陽曰此句惟他日停雲兩相憶尙多詩句託人傳夢陽
老去者知之

曰雅
調

鑒賞歌贈燕山葉原靜

畫家六法古有評氣韻生動由天成妙品在意兼在骨
不然筆墨徒經營前朝好手亦無數殘縑斷素令人驚
王維鄭虔不可見後人但知宋苑名近時愈變嗟愈下
模擬誰復探其精少年愛畫癖成性購求至與八相競
當時能畫三五家常持卷軸求商訂夢陽曰清飽翁謂
我今劉侯我笑不言心自慶王事鞅掌三十春圖史不
得隨車乘老歸江南理篋笥霉損蟲傷能幾剩舊知零
落不復存晚得燕山葉原靜白巖鑒賞今鮮倫昔曾向

我誇葉君聞君攜家往淮甸折柬招至雷彌旬果然名

下無虛士坐下咳唾生風雲詩才字畫亦不俗何止丹

青能壓羣坐君遠庵翻卷帙信口高論吾不嗔判評品

格入骨髓不道純駁差毫分夢陽曰公之前人人得盡肺腑不獨畫師丹邱

博士已莫覩如君者世間肉眼紛紛難共論我有驚溪

七尺強煩君為我圖滄浪墨汁淋盤試一掃但見元雲

漠漠橫高堂遠山霏微起烟素東影弱水西扶桑奔湍

迸石三千丈跳珠下濺寒聲激烈匯作江流長蒼茫直

與鬼神接奮迅恍若蛟龍翔兩翁笑語毛髮動山水之

樂樂無央王宰豈受人促迫象先不與世低昂得心應

手自成趣衆工俗筆徒誇張吁嗟乎胷中邱壑故有真
未須論畫先論人古稱孫陽善相馬脫畧形似看風神
君不見陶雲湖吳小僊隨意塗抹能賣錢風塵意態花
柳姿縱有佳處名教之中奚取焉夢陽曰論陶吳稍過愛君博雅
服君識一爲歌行壯行色君行蹤跡寄何方看畫吟詩
兩相憶夢陽曰此作如登碣石下觀巨野雲風飛揚一瞬萬呈

詩少

卷三



Vertical text or markings, possibly bleed-through from the reverse side of the page, running down the center-right area.

Vertical text on the right edge, possibly bleed-through from the reverse side, including characters like '金' (gold) and '卷' (volume).

Small vertical text or markings on the right edge, possibly bleed-through from the reverse side.

石淙詩鈔卷十一

明安寧楊一清應寧著

門人 北地李夢陽
武功康海 編輯

送錦衣千戶馬汝礪

文才武畧兩稱賢名著金吾二十年奉使曾持三度節
行囊不貯一文錢都門早結同鄉誼京口重逢話舊緣
公論在人須柄用丈夫晚操願彌堅夢陽曰囊無一錢
在武人足為駭鳳
送句容曹君時範赴南台

白筆重簪入舊京向來風采重台評也知激濁揚清地

石淙詩鈔卷十一

十一

不盡憂民報主情兩度過從慰衰病一尊傾倒見平生
鷓鴣六翮逢秋健拭目雲霄萬里程

夢陽曰忠厚雄健

壽抑齋太保

君生正當明盛年前身元是蓬壺仙玉皇勅註金閨籍
簡侍東朝供講筵帝若曰都此良弼舟楫霖雨將賴焉
手持虞廷五色線密補袞繡光華全沃心造膝世能幾
人道君聖臣仍賢青天白日氣浩浩長江巨海曾淵淵
成功不居益惕若妙用斂盡方寂然一封謝病優詔許
授簡爲著閒居篇消磨歲月盃中物陶寫性情囊裏絃
坐令四海慕風采杜門卻掃只與一二知己相周旋揆

余初度及芳旦二陽之後三陽前春回朔氣初轉律梅
向南枝先吐妍帝遣羣仙下稱壽雲際駕鶴來翩翩豐
隆驂乘望舒導芙蓉垂旌羽蓋懸一翁疑是羨門子獨
騎蒼鹿過芝田蟠桃有宴今始見眞珠爲漿瓊作鮮雙
成吹笙弄玉和九奏萬舞聲嗔闐琪花瑤草亦無數青
壁千仞世人想象難攀緣荒唐有無不須論天壽平格
此禮昭灼無私偏君不見蒼松矗空山拔地吾識良工
有深意

夢陽日前賦後
比超卓之作

送唐雲卿北上二首

雲卿北土伊邇過予丁卯橋莊言別適予將遊

紫府慨然同往尋幽覽勝各極其趣雲卿先辭
歸越三日遂行予衰病久謝人事例不作餞為

賦二詩贈之

臥病經年不出城忽聞君去便心驚誰知紫府淹畱地
翻作金臺盼望情興在溪山還夢想眼看花柳又春榮
丈夫無限當為事汗簡勲名貴早成

蕭蕭行李已臨歧猶喜山遊不負期野草含花亦幽寂
松烟帶雨轉華滋遲君經濟自今日老我聰明非少時
明發贈行無長物匣中孤劔卷中詩

夢陽曰山遊之情
轉為河梁之愴更

覺精神
抖擻

殷文濟過予待隱逸老二園有詩次韻荅之

開園十載到於今喜遇知音惟賞心兩屐不嫌花徑僻
一枰長傍竹窗深醉眠石上殘林蘚倦憩池頭狎水禽
如此風光如此客不知身世有煩襟夢陽曰四句讀之
令人水雲興思
老去清遊不出園條條水竹已成村林間野鶴迎人慣
坐上飛花送酒繁兩地江山勞夢寐百年風日幾朝昏
太平乞得閒身在須識秋毫是帝恩

和韻送吳舉人文之

江空飛鳥盡雨過落花深抱病方孤坐逢人時一吟會
遲幾失子別易忽驚心猶有相畱興開樽醉竹陰夢陽曰悠

然見南山
此篇有之

碧草迷青澗香塵動紫衢君才自賈董聖世亦唐虞寶
劍兩龍躍秋風一鶚孤獨憐爲別後相望渺江湖

與孫廷賢話別三首

小結雲松住近郊故人忽漫過蓬茅二千里外師生義
四十年來父子交名教自應尋孔樂窮通何用卜羲爻
試看干仞回翔地覽德終歸彩鳳巢

少年英氣逼人來壯氣崔嵬老未灰不信驂騑終窘步
共憐梁棟有遺才龍光夜躍張華劍雲影晴浮孺子臺
見說芹宮多化雨滿川桃李爲誰栽

師道蒼茫久絕塵泰山孫子更斯人貧甘苜蓿淡中味
靜挹梅花調裏春舊日朋游今復幾平生肝膽露全真
無言亦是宣尼教訓說紛紛莫重陳

夢陽曰三篇
宋詩之高者

送鄉進士吳與成還吳中將赴會試

老去聰明不似初喜逢佳士自東吳誰爲陸贄收韓愈
已媿歐公讓大蘇客路春風鶯出谷朝陽文采鳳棲梧
科名亦是尋常事珍重平生遠大圖

夢陽曰首句每每
道之亦自見得果
如此故開口
便及之邪

吳與成將行與吾鄉諸詩客遊金焦諸山極觴詠
之趣余聞而羨慕之老病不能偕往賦近體一章

兼以識別

有客東來亦好奇短筇孤艇鎮相隨
將第一泉頭水題徧金焦寺裏詩
載酒正當為別路看花曾及未開時
如聞赴約多同調盛事誰云只自知

和與成登城韻二首

獨立高城暮懷歸更惜春山川連梓里
烟雨暗花津響絕朱絃久交憐白髮
新斯文方屬望何止作詩人
落日銜疎樹殘花送晚春
夢陽曰四乾坤容縱目江海
羨知津懷古百篇壯感時千慮新
昏鍾動城邑猶自有行人
夢陽曰足為不知止者
戒又曰二篇真唐人語

多史葉君按治江南一年于茲風采甚著比在鎮
江忽聞江西兵變時承平日久武備廢弛殊甚且
倉無粒粟有警調兵無所於給上下憂之君策勵
諸司爲防禦計日簡練士卒號召武勇示以紀律
人知自奮勸諭義民分糴穀芻至萬城中恃以無
恐仗天之威罪人旋即就擒君得代還朝予衰病
久謝筆硯目繫君之義氣風概有如是者爲賦二
詩贈之

年來風采動江鄉足有陽春面有霜不遣官邪逃法網
幾將民瘼疏封囊憂時每切懸楓陛問俗頻勞訪草堂

莫謂及瓜能了事內台猶待振頽綱

義氣君方激懦夫忽傳兵變自洪都除凶實抱勤王念
足食深懷固本圖政比盤根逢利器心如秋月映冰壺
柔風靡靡嗟誰挽百練真鋼世豈無

夢陽曰二篇足補記載之缺亦詩之

史也

贈陳豸史原習三首

神交猶記昔年曾老向江湖更得朋二宋文章清廟瑟
兩京風操玉壺冰君言直與周行重我病飜慚飽飯能
暫會不堪仍遠別一時情思兩難勝
病起重來侍玉除稜稜風骨壯年如直陳時事張康節

不負平生陸敬輿復恐都人傳奏草漫勞司諫有貽書
畱君未得空相憶又是江城細雨餘

高臥滄江七八年停雲相望幾茫然手中五色終華國

囊裏孤桐未絕絃渴極正懷商旱雨愁多翻憶杞人天

送君更切吾鄉念多少蒼生望息肩

夢陽曰三詩一氣
鑄成渾渾更渾渾

賀王都諫存約買山韻

聞君嚙俸買青山山在層厓疊障間世外水雲身是主
春來花鳥意相關短筇路遶千年石小艇歌隨九折灣
除却清風與明月一時高駕許誰攀

平生性本愛邱山十載風塵一笑間夢入迷途雖易覺

念於斯世恐猶關海雲拖影低環屋野水流清曲抱灣
非不欲歸歸未得故山猿鶴謾相攀

夢陽曰二篇
句工而情態

柬王存約

承過丁卯莊病不得追隨爲媿爲負莊新構小
樓四面皆有牖各就向方扁之曰見山曰看竹
曰迎暉曰觀稼因用買山巖韻一首奉謝倘不
吝高詠則溪山增重不但小樓之光而已君家
山在台之丹崖故未句云然

登樓舉眼見南山勾引清風北牖間東望曙光眠早覺
西占歲事念常關月中露下芙蓉院水面風生楊柳灣

不似丹崖高萬丈淺林疎砌豈難攀

王南渠殷石溪過予夜燈二君對弈約三局兩勝
謂負者當罰作一降詩石溪信口成句曰縱豎降
旗亦偶然予笑曰得無輸兆乎已而石溪果負因
續成律予與南渠俱和之石溪約再戰連負三局
又罰一首予亦和之相顧俱大笑勝負棋家常事
然亦吾人風韻所在不可不紀因各錄一通以歸
二君庶他日有所考證云

臨枰一語豈徒然未約降時兆已先對壘分明成敵國
摧鋒只欲陷中堅志探虎穴無難事盟在雞壇有舊緣

願得焚舟終雪恥愛君須贈繞朝鞭

世事如棋一竟然當場何必較誰先心遊碧落詩兼苦
氣奪金城力未堅兩地萍蹤憐聚合十年文會許延緣
亦知勝敗皆堪樂若遇坡翁願執鞭

題畫壽主事方君豪父坦翁

仙郎壽乃翁意託丹青傳何以象翁潔皜鶴鳴芝田蕉
以供揮酒桂以揚芳妍桓桓石丈人晚節同其堅願翁
壽比鶴一鳴三千年

送王壽夫知金華府

繡衣持斧已多年剡薦今專郡牧權直遣冰霜回雨露

卽看鸞鳳化鷹鷂詩書世澤三秦舊伯仲才名二宋前
古葵自來文獻地好敦風教繼前賢
夢陽曰此篇是送御史除知府詩然望之教之者至矣

得王陽明詩依韻寄答

聞變幡然作親提一旅孤櫓槍浮太白氛侵暗重湖
慷慨平原義周旋甯武愚成功何易易帷幄妙訐謨
冰霜爲別日轉眼又春歸許國身方健除兇願不違
寒暄今契闊道誼昔因依抱膝渾無語陰雲暝夜扉
戎馬艱關際風塵瀕洞時心應懸社稷身已繫安危
功大翻招忌愁多恐易衰馮唐年未老終動漢皇思

多士從河飲俗儒徒管窺平生抱經濟應變益權奇風

雨孤燈夜鶯花漫興時彩雲何處扎聊得慰相知

歷盡風波險履茲陽道亨通儒自適用大勇不須兵急

雨驚春夢停雲繫遠情中洽有元酒相見為公傾夢陽曰五

篇杜格杜調高之又高中義之氣觸之勃然

用王陽明韻寄伍時泰廉憲

刺史勤王義中丞是指歸功成人共仰名出事多違赤

手烟霄接丹心日月依八鑿勤造父何處叩彤扉

洪都忽兵變舉目是瘰孤抱恨聲騰野流腥血洗湖平

生慕汲憇避難豈柴愚偃武從今日敷文仰聖謨夢陽曰體

面當
如此

江湖血戰日豺虎遘凶時
祖逖先讐賊王尊豈避危
冰霜節操苦風雨鬢毛衰
獨立蒼茫外長吟有所思

相從記童稚數載不園窺
一得湖南儻遂爲天下奇
隴

雲吟望處江雨夢醒時
未得談衷曲幽懷祇自知
夢陽曰無

限含
蓄

荏苒歲云暮馳驅路向亨
片言能折獄弱冠已知兵
江

海十年夢乾坤千古情
相望不相見肝膽爲誰傾
夢陽曰此

五篇亦
是杜格

寄彭幸庵

隴雲千萬疊何處是臯蘭莫訝寒暄少須知道路難衰
容憑酒換冷眼索梅看天地恩無極應畱一寸丹

別來餘五載老況竟如何白水盟心在浮雲變態多江

山雙眼足歲月一枰磨獨有懷人夢時時攪睡魔夢陽曰歲

月一枰磨於我公則得矣如蒼生何斯一句足證時變

太學生鄒永裕自蘭州至得彭幸庵贈永裕詩卷

次韻二首

一枝翻寄隴頭春彷彿開緘見故人歲月任添塵跡舊
風神不減墨花新沙頭白鳥歸仍狎山下青松晚更親
莫道眼前同調少此生吾亦任吾真

渺渺臯蘭天盡頭，可人臨發更須留。
浪傳曹煥三生石，誰臥元龍百尺樓。
笑引清風歸兩腋，醉呼明月上扁舟。
江山南北多奇遇，都付行囊一卷收。

用韻寄幸庵

老眼慵開春復春，病中詩句夢中人。
雨餘芳草年年綠，天際浮雲故故新。
坐挹希聲還大雅，交憐異姓有周親。
世情自古多翻覆，莫太分明贗與真。

卜築西津古渡頭，息交曾爲幾人留。
陶潛稅駕雲歸岫，杜甫傷心花近樓。
兩地青山雙短屐，半生秋月一虛舟。
公歸自覺金城重，已有勳名百戰收。

得成公寄示白巖賞花之作用韻一首且訂乘舟之約云

兩地無因共看花
偶聞清賞句還嘉
衰顏我豈緣詩瘦
老病君應爲國華
秀挹南山佳氣繞
香憐秋圃落英賒
故人不負乘舟約
擬共看雲坐水涯

希太司馬扈駕至淮安歸便道過江訪余石澗精舍感今憶昔悵然久之口占二首

淮浦歸來路幾程
懷人兼作剡溪行
時巡扈蹕君臣義
異姓通家父子情
聊以江山供客興
翻愁風雨誤秋成
連日亦知仕隱皆
名教相對無言百感生

停雲回首意如何楊子江頭一棹過老去多情憐水石
閒來開眼看風波門墻舊侶彫應盡燈火通宵話轉多
更約扁舟和月宿荻花深處聽漁歌九月十五日○夢
陽曰四句讀之如
聽山陽
之笛

與希大夜話有作

有約相過幸不孤病翁強起尙須扶顏容已覺今非昔
形迹都忘子與吾不遺寸心違素學會將隻手障留都
人人解道能藏器可試盤根錯節無

觀弈

小窓剝啄坐鉤簾椀茗爐薰取次添三徑黃花秋瑟瑟

一庭疎雨草纖纖佳期久托鴻傳札樂事先占鵲噪簷
司馬風情能鎮俗非關棋局可相淹

用謝安石事

九月十七日同希大過南園賦此

小堂深坐醉忘言餘興還過逸老園頗訝江湖在城郭
更誇塵市有邱樊風生水面迴波細秋盡林間落葉繁
猶憶六龍停馭日月華天影照金尊

南園書事兼以識別

潦倒天涯客歸來暮境侵鋤荒十畝地逸老百年心池
水深瀦水城高半露岑未能逃物役聊以豁煩襟坐歇
丹楓晚行歌翠柳陰買秧魚作饌種竹筍成林小艇穿

萍破殘花費蝶尋望迷青玉塢香溢錦雲溥風動波自
縠日斜林散金橋影橫蟬竦鳥語雜璆琳哇薦時蔬美
牆遮灌木森一亭疑坐月萬籟似聞琴憶作天王狩曾
勞御輦臨虹光消宿靄帝德格仙禽密邇袞裳坐温然
綸綍音扶行傳睿旨應制效微吟感激無能報馳驅又
不任六飛瞻漸遠九圍戴彌深司馬提兵旅從龍肅佩
簪登山增突兀觀海失蹄涉話舊秋方老畱歡酒漫斟
霜風摧落葉寒雨急疎砧誼篤人稀及名高衆所欽相
逢忘爾汝作別歎商參欲贈臨歧劔終爲大旱霖祗愁
分袂後蕭索轉難禁

希大謁奠先塋感愴之餘有述

細雨暗荒城蕭蕭珂馬鳴巖花含舊色壠樹動秋聲痛
腹橋公義生芻孺子情通家懷往事不覺涕縱橫

希大同東希宋盧師邵二豸史自荒山往尋招隱
故跡觴詠甚樂余聞而羨慕之恨不同往作詩奉

寄

京口溪山此最幽君行頗恨失追遊亭空玉蕊名猶在

山有玉蕊亭 遺刻在焉 樹繞珠泉濺却流 山有真珠泉東坡詩可

是太平無隱逸謾誇人世有蓬邱雲中古洞應奇絕合

賦新詩石上畱 以上十八日

東豸史希宋請予偕希大白金山謁新構陸丞相

祠祠有樓甚宏偉席上用盧豸史韻

秋滿空山落葉深江頭風雨夕初陰

夢陽曰有趣有色

亦知柱

史招遊興聊慰邦人仰止心采采巖花供客賞蕭蕭林

籟雜蛩吟裒忠舊是清朝典明水祠官合自今

夢陽曰典則

希大將歸南都余餞之丁卯橋山莊

秋風細雨晚蕭蕭歷盡荆榛見古橋樹色帶烟迷近郭

泉聲瀉月落寒潮未能投轄翻愁別有意尋幽不待招

裴相勳名公等在吾衰只合老漁樵

夢陽曰晚唐調

南山先生仙逝子哭奠之餘賦得二首

猶憶登堂笑語温向來多事不堪論忍聞哀些停歌燕

空把生芻代壽尊交誼不隨時序改老成雖謝典刑存

要知善積多餘慶請看蘭芽與竹孫夢陽日向來多事不堪論非老於世

故身履其地者不知此苦

欲因稱壽望容顏只隔重陽數日間杜甫幽期空北郭

陶潛佳興負南山黃花失色應憐王青壁徒高已倦攀

畱得遺音在深谷靜聽流水日潺湲夢陽日二篇醞藉感愴情深又深流

音於水恨無窮矣

贈謝伯一舉人用前韻

一燈深語坐來温賓主東南細雨論萬古希音還伐木

七峰明月此開尊
憂如賈誼心應苦
潛比王符論尙存
短棹匆匆畱不住
恐因芳草憶王孫

用韻贈唐子畏解元

丰姿楚楚王同温
往日青蠅事莫論
筆底江山新畫本
閑中風月舊琴尊
清時公是年來定
發解文名海內存
長聽金聲愛詞賦
天台未許獨稱孫

夢陽曰此篇奇作
初不韻窘以結句

之妥也

用韻贈段子辛

詩壇寒夜轉多温
明日陰晴未足論
已共山頭揮綵筆
更期江上屬匏尊
草堂和露題應徧
石壁棲雲刻尙存

聞說好奇兼好古風情直羨枕流孫

重遊七峰三絕句

三年重向七峰遊轉覺溪山一倍幽有意探奇兼訪隱
可容結屋伴君不

七峰開鑿自鴻濛萬里長江在眼中亦欲磨崖紀佳勝

向來詩筆已多雄七峰諸詩客題詠已多予不能益也

攀蘿躡蹬路逶迤老倦登山與每遲却愧壯年雙健脚

長因奔走誤幽期夢陽曰宜悔宜恨

題畫送謝梅岐歸閩

歲寒相別意悠哉不贈瓊瑤只贈梅
向梅岐春正好

懷人須寄一枝來

謝公昔在東山任翠管嬌歌出每攜不似雲仍冰雪侶
任他歧路有東西

有足不踏風塵車有手不草封禪書茫茫天地誰知已

還指梅花是故廬

夢陽曰三首前一首唐也後二首宋調耳

過仁濟沙宿孫思和莊舍感而有作

二十年來此約違勝遊今日坐忘歸兩江流水平沙斷
百里長堤萬柳圍沃衍八方資地利深清吾亦愛漁磯
滄波滾滾東連海爲障狂瀾是化機

遊茅山雜詩

登大峰

樹繞巖迴望轉高
丹梯躡盡不知勞
平臨星漢如攀接
俯視塵寰一羽毛
捧日有心嗟我老
凌雲欲賦爲誰豪
玉台元圃無消息
何處吹笙醉碧桃

獵獵西風吹鬢毛
望中林壑渺雲濤
飄殘木葉氣始肅
飛盡塞鴻天正高
老去丹心空汗漫
病餘雙足幾遊遨
非關不學陶貞白
萬古君臣義莫逃

十年三度訪華陽
過盡殘秋草樹黃
山色參差開劒戟
泉聲宛轉奏琳琅
太平法主遺邱在
貞白先生祀宇荒
解把苓通比榮利
金陵老子句非狂

偶辭城市到巖阿
草樹陰陰霧薜蘿
福地地中今第一
洞天天下古無多
舊騎白鶴能來否
新煉金丹可乞麼
頗恨塵蹤不盡結
廬無計奈山何

山遊晴霽累日煦如早春喜而有作

暫出真成十日淹
風光煦煦草纖纖
老天似助遊人興
下令元冥不敢嚴
年年車馬入山頻
谷口幽人合見嗔
莫使溪頭洗塵耳
下流恐有飲牛人

華陽洞

石壁清而浚
嵐光翠且重
洞門無路入
疑是白雲封

渴飲沆瀣汁饑餐玉台霞道人不出洞持此度年華
泠泠澗中水一斟清我顏山風灑然來吹破夢覺關

喜客泉

年來謝塵鞿對景胡不喜山泉亦多知動樂固其理
抱病不出城如此山泉何泉因客至喜我厭客來多

題華陽洞崖石

吁嗟此洞天乃在人寰裏神仙不可窮勝遊聊爾爾

用張世安詩韻

仙子何年闢草萊載看遼鶴又飛回溪山勝地多樓觀
唐宋遺碑半蘚苔物外烟霞三館在城中冠蓋幾人來

亦知仙俗俱塵跡休薄雲臺問玉臺

句容曹御史時範結屋於大茅峰之麓卽陶隱君
中館地也予得造焉爲之賦此

關莽披榛一徑斜忽看傑構倚雲涯誰知異代神仙館
又作清時御史家坐引青山當戶牖醉眠白石掃苔花
君才可是真成隱況復勳名鬢未華

暮春偶懷彭幸庵寄柬二首

華髮蕭蕭與歲添楊花飛盡坐鈎簾遠夷尙問裴中立
流俗翻憎范仲淹已覺聲名重河嶽不將心事負蘼鹽
江雲隴月年年夢彩筆何時得共拈

西涯逝後誰知已南有雲莊北幸庵老去萍蓬驚浪跡
歸來風月但清談休官各詫林間一交道長懷益者三
若向寒暄論世味苦辛調盡合同甘

夢陽曰奇之又奇

送揚州張都閫赴任湖廣

鳳凰佳氣連雞阜鸚鵡香風度鶴樓君去正當春色好
我懷猶憶少年遊邦儲久已推勞績帥閫今方藉壯猷
畱取素心冰蘖在早看清譽動皇州

夢陽曰起句壯麗

鎮江二府嚴君應階初以進士出令溧陽治行卓
卓將徵入內臺局於例弗果陟佐鎮江五閱歲廉
靜慈惠民甚安之吏部屢薦為按察眾事不及命

茲考績北上將行作席別予鴻鶴山莊余雅厚君
又重斯別爲三詩贈之

猶記登科十載前幾人才與操能兼花封故有甘棠頌
驥足翻因別駕淹閱道行裝祇琴鶴希文心事本齏鹽
如聞方憲頻推擢何處輶車聳具瞻

郭外張筵先別我天涯獻績早推君官程曉逐桃花水
客思秋停鴈浦雲佐政賢聲惟撫字退公餘力更詩文
老年正藉良明益愁見臨歧落絮紛

當年劍氣逼人寒未信盤根錯節難奉職肯渝三尺法
愛民何止一分寬酒辭涓滴心常醒詩向恠惚句亦安

去近五雲承寵渥九霄雙翮看鵬搏

予既爲三詩贈應階餘情有不能已者臨行復得

四絕句

聚處未知樂分攜却黯然不知從此去明月幾回圓
世有催科吏亦多刁筆徒君心故儒者作用自應殊
君行陟憲臺風采人須避復恐鸞鳳心終異鷹鷂志
老病廢文事書齋久積塵偶然拈秃筆題贈素心人

與諸客賞牡丹席上作

紫霞香溢瑞雲深繡鞞歌鍾古復今爲惜春光邀客賞
豈緣國色動人心移栽池館渾疑畫買向侯門不論金

一夜殘紅零落盡東園桃李自成陰

平生不解矜顏色偶爲穠華一賦之遮護殷勤避風日
蒼茫彷彿見嬌施平章宅裏春長在洛浦園中種自奇
暫得畱歡君莫訝心盟終許歲寒枝

東豸史希宋過予語及昔年提學事因憶華州關
中名郡東氏實郡望焉時希宗與其兄今南京戶
部郎中希節刑部主事野在諸生中才氣英發而
伯兄今駕部郎中希曾已領鄉薦俱嘗以遠到期
之主事不幸不祿而三君方駸駸向用詩贈希宋
兼柬希曾希節同致期待云

清渭滔滔幾派分華峰秀色入層雲掄材早識明堂器

相馬期空冀北羣舊事悠悠心印在新聲濯濯口碑聞

丈夫無限當為事看取齊名共策勳

夢陽曰心印
口碑奇對

希宋按江南風采凜凜臧吏望風多解印綬去傳

者或以為過嚴然玩愒之餘民蠹滋甚不嚴則無

以禁奸戢暴民何所於賴惟在我者有以權之不

為已甚而已如心之論君其有取乎哉

一從持斧下金鑿江左蒼生拭目看載路清風消酷暑

隨車甘雨慰彫殘朝廷綱紀須臺察郡邑澄清仗法官

莫謂過嚴聊假借一分嚴是一分寬

攬轡江東又一年
動人風采衆爭傳
南山有判誰撓法
白筆無私不避權
世上浮雲驚易變
懷中貞璧保須全
如心舊服宣尼訓
春雨秋霜未肯偏

予遊茅山希宋多史自金壇以書來問答之以詩
梯徧三峰眼爲開
忽傳臺史有書來
同心不得還同賞
空把詩筒當酒杯

予歸自茅山路出金壇河口希宋約許多史伯誠
來會舟中話舊久之解纜而別時漏下三鼓矣次
日寄詩爲謝

細雨蕭蕭釀薄寒
深秋搖落水無湍
荒村一棹來何客

夜半能勞兩豸冠

足音空谷遠能聞一笑相逢坐夜分舊事依稀談不盡

明朝回首隔重雲

夢陽曰二一篇
前宋後唐

希宋得代還朝贈別二首

歸采民風奏玉墀一年舉措其稱宜爭看綵鳳來儀地
正及飛龍利見時驄馬都人行尙避甘棠南國去應思
黑頭事業須珍重明道希文好自期

鷺車無地不春陽白簡威飛六月霜不忝冠裳稱豸繡
未容城市有豺狼寸心好似中泠水一節真成百鍊鋼
定有昌言佐朝政幾人側爾聽封章

寄處州林守仁太守

撫卷長懷漢吏循清時郡牧見斯人如聞禮讓能爲國
況復溫良是近民道以濟時終不枉儒能適用始言真
四知莫夜何須畏自保丹心質鬼神

匆匆爲別又經年待隱園中榻已懸

守仁嘗宿
予待隱園

前輩風

流嗟我老後來人物讓君賢烟橫高閣冬成雨路繞羣

峰正倚天

二句用
括蒼事

官長政閒應得句懷人無惜簡書傳

秦鳳山亞卿園亭小酌用邵二泉韻一首

半生江漢夢猶新忽漫相逢幾故人君到正當新雨霽
吾衰還與舊書親憂先天下心應苦功在湖南筆有神

總為論交關道誼不須杯酒見情真夢陽曰雅句

和園亭聯句荅鳳山

雨怕衝泥怯樓鐘忽報晴溪山還浪跡花鳥亦藏名水

氣陰連洞樓光半帶城不辭金谷罰君句已先成夢陽曰無

意如
有意

與鳳山酌別二首

雨中車從過蓬茅萬斛塵襟此盡拋幾為登賢曾薦剡

一從傾蓋便深交趨朝正及飛龍慶覽德重尋絲鳳巢

我老聰明非少日詩成猶欲仗推敲

度支新命屬名臣上為邦儲下為民經世正煩華國手

理財須用讀書人
中州時雨當年化
南楚甘棠萬樹春
霄漢勲名公等在
老翁江上任垂綸

答馬豸史園亭韻

把酒看花意已闌
一樽相對偶畱歡
坐深泉石孤雲暝
面帶冰霜九夏寒
別後懷人心共遠
公餘適興句還安
怪來曉夢清如許
柱史詩來墨未殘

夢陽曰
妙句

送何汝周謁選北上五首

乃祖竹逸翁飄飄出塵姿
典衣畱客歡有馬借人騎
雖老不出村聲問如飈馳
爾父亦曠達子生更瑰奇
當年識英物不羨寧馨兒
稍長入庠校操觚吐芬詞
文場雖

石澗詩集卷十一
未捷賢關已收之願交天下士十載居京師庭闈忽在
念歸養江之湄朝來奉親命東裝向我辭古人重養志
口體翻足嗤生才須用世況值更化時黑髮難久畱行
矣勿復疑

子行不可尼我懷益忡忡去帆帶落日征路隨長風衰
年苦別離況乃家素通一尊向江漭何以紓情悰贈子
金錯刀光華貫晴虹得志如我思好音託秋鴻

向來暑氣熾汗流沾葛衣蒼蠅撩我面白羽無停揮火
雲欲燒空高鳥不敢飛子行獨何之初聞使我疑須臾
清飈發萬物回華滋星月出霄漢玉宇無纖疵悠爾心

境融豁然襟抱披休哉任所適慎勿懷土爲

騏驥千里材調良故可貴美玉豈無光蘊藉乃爲瑞古
人重器識材美招物忌所以裴行儉不取王楊輩兢兢
有若無默默明如晦贈子豈徒然吾言有真味

對酒心不樂子舟方北向南風漾孤帆夕陽落波上此
別日已疎兩地勞相望江漁繫遠情蘆月懷高唱我有
七絃琴欲彈寫幽況今人知音難感之益惆悵多言勿
謂予予子大父行

菊泉

陶翁裊秋露屈子淩落英何如菊泉子臨流漱其清風

致故不殊後先與齊名

南陽有甘谷一飲百餘歲泉以菊而甘菊以泉而貴紛
紛厭梁肉誰知此風味

滕郡守約遊招隱山紀興一首

朝出虎踞門旋經鴻鶴山舉目望招隱森森青翠攢肩
輿歷丹梯直造浮雲端縈紆路若無恍惚非人間郡侯
政稍暇約我一日間而我性疎野此興良不慳同遊總
儒彥相見各開顏不嫌方丈陋抵掌共清歡老僧朴而
貧非俗亦非禪因之訪遺跡咄咄竟忘言昭明讀書處
石案猶未刊彼隱戴公宅浮屠今踞蟠寂寞玉蕊亭凋

蕭萬松關惟有名賢詩贈炙人能傳侯曰此勝遊吾當
窮躋攀山頭覓三洞山下尋三泉探奇兼索隱慎勿辭
險艱大洞邃而迂懸厓巨蜿蜒二洞稍明曠鉅石誰所
安可琴復可弈可以羅盤餐披搜到三洞小窟橫榛菅
鬼斧鑿誰施神驅不容鞭雲跟虎鹿跑真珠濺潺湲源
頭祇一勺流潤滋園田想當出門時溽暑尙未闌山顛
坐良久已覺絺綌單濃陰釀急雨老病怯高寒雨歇氣
蕭爽豁然襟抱寬修竹光逾麗殘花色猶殷去城纔咫
尺乃有此區寰諸公各盡興雄飲吸百川彷彿飲中仙
白眼看青天夕陽度西嶺暝色迷噴阮葉落隨流去飛

鳥和烟還蟋蟀戒無荒呼僮促回轅作詩謝同遊聊以
識奇觀

許豸史伯誠夜過丁卯橋莊賦此贈之

古橋丁卯傍山莊忽報乘驄過草堂君有好詩能壓許
我無奇字合輸揚風回池沼波生穀雨足田疇稻早香
記取隔年題詠在至今蓬竇有輝光夢陽曰奇對姓地
偶合兩言盡之萬
鈞之力今
古之雄

忽漫相過慰寂寥坐聞空籟夜蕭蕭與如剡水還停棹
路異箕山不繫瓢細草孤村斜有徑清流曲澗遠通潮
衰年已謝人間事贏得閒身伴老樵

籬前桂花初開折二枝贈伯誠侑以一絕

夜深燈火泊仙槎
剛及秋風桂始花
折取天香贈君去
清芬隨地有人誇

次日用前韻寄伯誠

野橋流水護雲莊
灌木陰中隱一堂
結搆幾年驚老邁
幽棲如此藉揄揚
秋山入夜微聞籟
巖桂逢時早放香
相國郢州遺事在
嘉名猶自託餘光

石響泉

夢陽日醞藉更醞藉如幽花明月巍

猗蘭千古竟寥寥
世態空憐艾與蕭
興到不妨隨短屐
客來聊與醉長瓢
坐聞牛隴秋橫竹
閒看漁舟晚趁潮

到處康衢頌更化野人隨分自耕樵

王太史舜卿謫戍茂州過鎮江相見愴然因憶乃
兄堯卿感而有作共得三首併錄贈之

歧路豈不多君胡此行役朝爲近侍臣暮作遐征客平
生忠信心偃仰無欷側江山助詩豪風露壯行色欲語
不得盡雲鴻渺南北岷峨故崔嵬劍閣何徧仄稅駕行
有期君恩本無極

汝兄在酉州昂昂萬夫雄高視千古前闊步無塵蹤寧
爲叱仗馬不作羅網鴻季方踵其躅雲霄共飛翀仕止
各有存乃心王室中危言仗有道何暇恤其躬日月豈

不光江海豈不容臣罪法當竄守節甘吾窮

八年不見子一見翻成悲微生萬死餘毛髮渾未衰君
心無回曲神明相護持一觴復一豆遲子江之湄蕭蕭
黃葉下黯黯寒雲垂殊方亦王土蜀道無險巖義命夙
所安慎勿陋居夷材大用良難名出忌乃隨易爰戒尙
口此意君自知

夢陽曰歸田後選
詩入調以其婉也

石溪詩集卷十一



三











